



Synfocity = 521

mail us at : mzsinfo@gmail.com; mizoramsynod@gmail.com - Phone - 2314648

29th January, 2015

41st Oath Taking & Lamp Lighting Ceremony

Synod Hospital, Durtlang chuan nimin (Jan. 28, 2015) chawhnu dar 1:00 khan Oath Taking & Lamp Lighting Ceremony vawi 41-na, Nursing School Auditorium-ah an hmang a, Rev. C. Rosiama chu Khuallian a ni.

Inkhawm hi Dr. Vanlalruata, Synod Hospital Director-in kaihruiin inlawmna thu a sawi a, Rev. H.C. Khaicho, Chaplain-in Bible chhiar leh tawngtaiin hunserh a hmang a. Ms. R. Lalhhanhimi, Principal-in Nursing School Reports a pe a, Pi Ramfangzauvi, Nursing Superintendent (Rtd)-in Oath Taking leh Lamp Lighting hun a hmang a, Pi C. Lalrintluangi, Nursing Superintendent-in kum 2014 Mizoram Nursing Council Examination a pass chhuakte hnenah chawimawina a hlan a ni.

Khuallian Rev. C. Rosiama thusawina hun a hmang a, Upa F. Lalsangliana, Hospital Coordinator-in lawmthu sawina hun a hmang a, Rev. R. Ramdinmawia, Hospital Chaplain-in Malsawmnain inkhawm a tin a ni. He hun hman zawhah hian thingpui ruai kilho nghal a ni.

Synod Hospital hi kum 1928-a din kha a ni a, a din rual hian Nursing School hi din tel nghal a ni. Nurse zir hmasa ber chu Ni. Khuangi, kum 16 mi a ni. Doctor-te leh Nurse hmasa ber Pi Tlawmkungi ten zirtir hna hi an thawk thin a ni. January 7, 1929 atanga a hnu lamah chuan Zosap Pi Hmangaihi te, Pi Puii te, Pi Muani teho khan an rawn enkawl a ni. Ram buai vanga Zosap te an haw hnuah kum 1968 atangin Pu Biakliana a enkawl a, 1973-1992 chung khan Pi Lalzikpuii, Nursing Superintendent-in a enkawl a, kum 1993 atangin Principal atan Pi Ramfangzauvi dah a ni. Ani hi kum 2003 atangin Nursing Superintendent-ah a kai san avangin Principal atan Pi C. Lalrintluangi dah leh a ni. GNM Course zirtute hi kum 2012 atangin Indian Nursing Council thupek thar angin kum 3 leh a chanve course an zir chhuah chuan chhuahtir nghal zel an ni ta a ni. Synod Hospital, Nursing School atanga zir chhuak tawh zawng zawng hi an vaiin mi 970 an tling ve tawh a ni.

Synod Nursing School hi Principal pakhat, Vice Principal pakhat leh Sister Tutor 10-in an enkawl mek a, tun tumah hian zirlai 121 an awm a ni. Kum 2014, September khan Mizoram Nursing Council Exam-ah result tha tak an nei a ni.

1st Year GNM - Top 10 a lang zat - 7

2nd Year GNM - Top 10 a lang zat - 5

3rd Year GNM - Top 10 a lang zat - 5

First Year leh Second Year-ah hian Topper an ni nghe nghe a ni.

Kum 2014 Synod Inkhawmpui chuan Synod Hospital Nursing School hi College-a hlan kai a phal sak a, tunah hian chak taka bawhzui mek a ni.

Zin

♦ January 30 - 2 February, 2015 chung hian Tiddim Synod Inkhawmpui hmanpui turin Rev. Lalzuihanga, Senior Executive Secretary a kal ang.

♦ February 2 - 10, 2015 chung hian Senate and Consultation Programme a tel turin Rev. Lalramliana Pachuau, Executive Secretary chu Kolkata leh Kottayam-ah a kal ang.

Thawktu thar

Synod Hoapital, Durtlang-a thawktu turin heng a hnuai a mi te hi lak thar an ni :

Hming	Pa Hming	Veng
Medical Officer		
♦ Dr. Carolyne Lallawmzuali	W/o Dr. Joseph Lalhmachhuana	Hospital Campus
♦ Dr. Vanlaldini	Dr. Vanlalruata	Hospital Campus
♦ Dr. H.D. Lalengkima	H.D. Vanlalruata	Ramhlun South
♦ Dr. K. Lalruatkimi	K. Kapzuala	Khatla
Accountant		
♦ V.L. Zonuntluanga	V.L. Zaichhunga	Khatla
Operation Theatre Attendant		
♦ R. Lalrindika	R. Malsawma (L)	Durtlang
♦ Zoremntluanga	Tianchhunga	Durtlang Leitan
♦ Vanneihtluanga	C. Vanlalrawna	Leitan Ramthar
Orthopaedic Attendant		
♦ R. Lalmuanzuala	Laltanpuia Kawlni	Leitan Ramthar
♦ L. Daniel Laldusaka	Sawikhawhela	Sihphir Venghlun
Mid Level Ophthalmic Attendant		
♦ Joseph Lalliansanga	Lalhmingthanga	Durtlang
♦ Lalremsanga Colney	Rev. R.C. Zokhuma	Zemabawk
Carpenter		
♦ Lallawmzuala	Vanrothanga	Hlimen
Audiometrician		
♦ R. Lalhmachhuani	Zomuana Ralte	Tuikual North

MSSU

♦ Zanin (Jan. 29, 2015) hian Bethlehem Venglai Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator a kal ang.

♦ January 31, 2015 (Inrinni) hian Biate Kohhranin Sunday School Centenary an lawm dawn a, T.Upa Lalthahluna Ralte, MSSU Asst. Coordinator-in Centenary lungphun hawngin chawhma inkhawmah Pathian thuchah a sawi ang. Tlaiah Sunday School Centenary lawmna ruai an theh nghal ang. Centenary lawmna hian Pathianni (February 1, 2015) thlang a awng.

♦ January 31, 2015 (Inrinni) hian Tuikhuahtlang Kohhranah Sunday School Zirtirtu Training neih a ni dawn a, hemi neihpui tur hian Upa K. Zoremsanga, Kulikawn (MSSU Trainer) a kal ang.

Music

January 29 & 30, 2015 hian Chhinga Veng East Kohhranah Khuangvuak Training neih a ni dawn a, hemi neihpui tur hian Pu Lalromawia, Senior Music Instructor leh Tv. Zirliansanga, Instructor te an kal ang.

Contd...

❑ **Synod Mission Board**

Synod Mission Board chuan February 1, 2015 (Pathianni) chawhnu daw 1:30 hian Tlangnuam Kohhran Biak Inah Masihi Sangati Kendra hnuai a thawktu tur mi 10 te tirhchhuahna hun an hmang ang.
Synod Mission Board hnuai a rawngbawlna chuan hma a sawn zel a, kum tinin Masihi Sangati Kendra hnuai a hnathawktu tur Evangelist pawh lak thar an ni ve reng a. Heng thawktu lakte hi a tirhchhuahna neiin kum hnih chu kalpui a ni tawh a ni.

Tirhchhuah programme hi Rev. John Sharma, Principal Presbyterian Hindi Bible School-in a kaihrui ang a, Upa Lalrinmuana, Coordinator, Synod Mission Board-in inhmelhrattirna leh reports a pe ang. Rev. Lalchuanmawia, Synod Mission Board Secretary-in Tirhchhuahna hun hmangin thuchah a sawi ang a, Rev. Lalfakawma Chhange i/c Aizawl South Area-in Tawngtaisakna hun a hmang ang. Synod Mission Choir leh Tlangnuam Masihi Sangati Zaipawlten hla an rem baw ang.

❑ **PRAISE '14 DVD lei theih**

PRAISE '14 DVD: Central KTP buatsaih, Praise '14 DVD chu a duh apiang en theih turin peihfel a ni ta a, January 16, 2015 atang khan hralh chhuah tan a ni. He DVD, Pathian faka thalai rual 15,000 zet fuankhawmna leh Gospel Artistes tha ber berte zaina, darkar 2 leh a chanve zet awh hi lei duh tan Colney Brothers, Israel Point, Bara Bazar atangin lei theih a ni a, KTP Branch/Group zuar chhawng duhte tan DIGINET - Contact 9862957574-ah ngaihven theih a ni baw. A copy siam tam a nih loh avangin a duh tan chuan ngaihven ran chi a ni e. A man: Rs. 150/-

❑ **MPF leh Party-te inkawm**

Vawiin (Jan. 29, 2015) chawhnu dar 1:00 khan Synod Committee Room-ah Mizoram People Forum General Headquarters hruaitute leh Political Party hrang hrang hruaitute an inkawm khawm a. Hemi hunah hian inthlan chungchanga MPF leh Political Party-te thawhhona thuthlung lo awm tawh sa chu en nawnin an sawi ho thar leh a ni.

He inhmukhawmna hi Rev. Lalrinmawia, President, MPF-in a kaihrui a, political Party hrang hrang hruaitute an kal tha hle a ni. He inhmukhawmnaah hian Aizawl Municipal Council, Local Council, Village Council leh Autonomous District Council inthlan lo awm tura thawh ho dan tur te an sawi ho baw. Kal khawmte chuan Politics huang chhunga eng inthlanna pawh thianglim leh fel taka tih vek an duh thu leh chutiang atana hma chak taka lak an duh thu an sawi hlawm.

❑ **Hruaina Eng FM Radio & TV Programme**

♦ **JANUARY 30 (FM Zoawi Aizawl @ 7:30 p.m.)**

Solo : Stacy V.L Muanpuii - Isua ka nei, **Choir** : Mizoram Synod Choir - Silfaina, **Thuchah** : Upa Bonny Lalrindika - Tunlai thil awmzia, **Solo** : Gospeli - Sawi loin kan awm thei lo, **Choir** : Mizo Cardinal Choir - Lalpa hming ropui, **Solo** : Dr. Zothansanga - I vanglai hian i siamtu hre reng rawh

♦ **JANUARY 30 (FM LUNGLEI @ 7:30 P.M.)**

Solo : Stacy V.L Muanpuii - Isua ka nei, **Choir** : Mizoram Synod Choir - Silfaina, **Thuchah** : Upa Bonny Lalrindika - Tunlai thil awmzia, **Solo** : Gospeli - Sawi loin kan awm thei lo, **Choir** : Mizo Cardinal Choir - Lalpa hming ropui, **Solo** : Dr. Zothansanga - I vanglai hian i siamtu hre reng rawh

♦ **FEBRUARY 1 (TV Programme @ 3:00 p.m.) :**

Playback : Bial KTP Conference 2015

❑ **Susamachar Prasaran Programme**

FEBRUARY 1 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Koilamati Pastorate Choir - Ili sangjoi, **Group/Choir/Solo** : CHT Synod Choir - Papi Hone Par bhi, **Sermon** : Lalramzauva, **Group/Choir/Solo** : Dawrpui Vengthar Pastor Bial - Kush par, **Group/Choir/Solo** : Tanhril Pastor Bial - Yesu Masih

❑ **Moderator Programme**

Synod Moderator Rev. Lalrinmawia chuan tunkar tawpah hetiang hian hun a hmang ang :

January 31, 2015 (Inrinni)	:	Kawrthah North Biak In a hawng ang
January 31, 2015 (Inrinni)	Zan	: Kawrtethawveng 'S' Kohhran
February 1, 2015 (Pathianni)	Chawhma	: Thaidawr Kohhran
February 1, 2015 (Pathianni)	Chawhnu	: Mualthuam Kohhran
February 1, 2015 (Pathianni)	Zan	: Kawrtethawveng Kohhran

SYNOD HSS CLASS IX ADMISSION

Synod HSS-a Class IX lut turte tan February 21, 2015 (Saturday) Dar 10:00AM-ah Written Exam tur a ni. Class VIII English leh Mathematics exam a ni ang. Aizawl pawn lam mi tan mahni Kohhran lehkhha thil tel tur a ni. **February 2, 2015** atangin School Office-ah dilna form lak theih a ni.

Rozama Chawngthu
Principal
Synod Higer Secondary School, Aizawl

MUSIC ADMISSION

Synod Music School hnuai a hnuai a tarlan ang hian Tonic Solfa & Staff Notation March - May, 2015 chhunga zir duhte tan seat dil theih a ni a. Dil duhte chuan a hnuai a tarlante hi hriat ni se :-

- ❶ Music Department, Synod Office atangin Dilna Form la chhuakin **February 23, 2015** ral hma ngeiin Synod Office-ah thehluh tur a ni. **February 25, 2015**-ah seat chang turte hming tarchhuah a ni ang a, zir tura thlan te chuan **February 25-27, 2015** chhungin Admission fih fel tur a ni ang.
- ❷ **March 2, 2015** atanga class tan tur a ni ang.
- ❸ Dilnaah mahni awmna Kohhran lehkhha thil tel tur a ni.
- ❹ Hriat tur tul dang chu dilna Form-ah tarlan a ni.

REV. P.C. PACHHUNGA
Executive Secretary i/c Music